

GENEROSO AC IL-

L V S T R I S S I M O D O M I N O , D O M I N O
Paulo Sixto Trautsonio, Comiti in Falckenstein, Baroni in
Sprechenstein & Schrouenstein, Domino in Matray, Khaya
& Laa; hæreditario Mareschalco Comitatus Tyrolensis: sacr.
Cæs. Mayest. quemadmodum etiam serenissimo ac potentissimo
Vngariæ Regi MATTHIAE, &c. à consilijs secretis, eo-
rundemque Consiliorum directori & Locumtenenti Prouin-
ciarum Inferioris Austriae, &c. Domino suo clementissi-
mo & Mecœnati summa obseruantia deuo-
tissimè colendo, &c. •



Vanta sit Mathematicarum disciplinarum di-
gnitas, Illusterrissime Comes, si quis est fortè qui
dubitet, is sanè quid sit cœlum, quis splendor so-
lis, aliarumq; stellarum; quid annus, quid men-
sis, quid ver & autumnus, quid æstas & hyems;
quid dies & nox, quid aurora, quid meridies, quid vesper; in-
star abiecti pecoris ignoret oportet; nemo enim mortalium
est, nisi omnino mentis inops, quem hæc, quæ in his inferiori-
bus quotidie cernitur, rerum vicissitudo & varietas, ab admi-
rando corporum cœlestium motu dependens, si non sciendi
desiderio accendat; saltem aliquantis per moueat, & in admi-
rationem rapiat. Hinc prima illa mundi ætas, licet rudis adhuc
& inculta; tamen rerum cœlestium contemplatione pelleata,
antequam ullius artis adhuc haberet usum, stellas inerrantes
à fixis, & in utroq; genere, singulas à singulis discrevit, earum
ordinem notauit, solis aliorumq; Planetarum motus, variosq;
circuitus, unà cum temporum stato certoq; ordine cœlorum
revolutionibus, quantum possibile erat accommodato, mira
rationis indagine descripsit, &, ut refert Iosephus, in duabus
columnis, una lapidea, & lateritia altera, pro æterna postero-
rum notitia, contra omnē mundi vastationem, quam vi aquæ
)(2 & ignis